

ԶԻՆՎՈՐԱԿԱՆ ՀԵՂԱՓՈԽԱԿԱՆ-ԴԵՄՈԿՐԱՏԱԿԱՆ ՇԱՐԺՈՒՄՆԵՐԸ

ՀԱՅԱՍՏԱՆՈՒՄ

(1916—1917 թ. մարտ)

Հ. Ս. ՄԵԼԻՔՅԱՆ

Ցարական Ռուսաստանը 1916 թ. ապրիլի ու ապրիլի էր մխրճվում իմպերիալիստական պատերազմի արյունոտ սպանդի մեջ։ Պատմական մոմենտի հասարակական-քաղաքական կյանքը, Վ. Ի. Լենինի բնորոշմամբ, «արյունոտ մի գունդ»¹ էր։ Պատերազմի վերջը չէր երևում։ «Պայքար» թերթը 1916 թ. գրում էր, որ «մեկ կամ երկու տարի առաջ ժողովրդին պատերազմի վախճանը ապրիլի մոտ էր թվում, քան այդ այսօր տեղի ունի»²։ Ողջ երկրում հասունանում էր ճգնաժամը, որը իր մեջ էր առնում կյանքի բոլոր հիմնական բնագավառները՝ տնտեսական, քաղաքական և ռազմական։

Կովկասյան ողջ բանակում, այդ թվում և Հայաստանում գտնվող զորամասերում, հեղափոխական շարժումը նոր թափ էր ստանում։

Բոլշևիկյան շատ կոչերի թվում, 1915 թ. Կովկասում, բազմացվում և զինվորների ու աշխատավորների մեջ տարածվում էր Յիմմերվալդի հայտնի կոնֆերանսի մանիֆեստը, որը ստորագրել էր նաև Վ. Ի. Լենինը։ Նրանում մերկացվում էին միջազգային իմպերիալիզմի արյունոտ գործերը, նշվում պատերազմի դեմ ժողովուրդների համախմբման անհրաժեշտությունը։

Այդ կոչի մի քանի օրինակներ ոստիկանությունը հայտնաբերել էր Ալեքսանդրապոլում։ Այդ մասին, 1916 թ. ապրիլի 8-ին, Կովկասյան զինվորական իշխանություններին հայտնում էր Երևանի նահանգական ժանդարմական վարչության պետը³։

Կովկասյան բոլշևիկները դեռ հնարավորություն չունեին հրատարակելու ռուսերեն լեզվով թերթեր։ Բոլշևիկները օգտվում էին լեզալ մամուլի հնարավորություններից։ Այդ տեսակետից ուշագրավ երևույթ էր 1915—1917 թթ. «Պայքար» միացյալ սոցիալ-դեմոկրատական հայկական թերթի գոյությունը։

Պատերազմի տարիներին ցարիզմը բանակ զորակոչեց մոտ 200 հազար հայերի։ Նրանց զգալի մասը նետվեց Կովկասյան ռազմաճակատ։ Կասկածից վեր է, որ «Պայքար»-ը իր ընթերցողների լայն շրջանն ուներ թիկունքում և բանակում, ոչ միայն հայ, այլև մյուս ազգերի զինվորների միջավայրում։ «Պայքար»-ը ուղարկվում էր ռազմաճակատ։ Նրանում տպագրվում էին զինվորական նամակներ, բարձրացվում պատերազմի ու հեղափոխության սկզբունքային հարցեր։

¹ Տե՛ս Վ. Ի. Լենին, Երկեր, հ. 21, էջ 461։

² «Պայքար», № 31, 31-ը հուլիսի 1916 թ.։

³ Տե՛ս ՍՍՀՄ ՀՀ ԿՊԱ, ֆ. 102. ց. 1916, գ. 5792, թ. 1։ Վկայակոչվում է ըստ «Բանբեր Հայաստանի արխիվների», № 3, 1967 թ.։

Բոլշևիկները մեծ աշխատանք էին տանում նաև Երևանի, Ալեքսանդրապոլի, Կարսի և Սարիղամիշի զինվորական լազարետներում:

1915—1916 թթ. զինվորական հեղափոխական կազմակերպություն է գործել Ալեքսանդրապոլում, որը կապ է ունեցել երկրի հեղափոխական կենտրոնների՝ Մոսկվայի, Պետրոգրադի, Թիֆլիսի և այլ քաղաքների կազմակերպությունների հետ: Այս կազմակերպությունը ստացել և զինվորների մեջ է տարածել հակապատերազմական, հակակառավարական բովանդակությամբ թռուցիկներ, կազմակերպել է ստացված կոշերի բաղմացման և ինքնուրույն կոշերի հրատարակման գործը, այդ նպատակի համար ձեռք բերելով անհրաժեշտ տպագրական միջոցներ⁴: 1917 թ. մարտի 3-ին, երբ ցարիզմն արդեն տապալված էր, բայց լուրը դեռ Ալեքսանդրապոլ չէր հասել, կամ եթե հասել էր՝ հավաստի չէր թվում, քննվում էր զինվորական այդ կազմակերպության մի շարք ակտիվ անդամների գործը, որը ժանդարմական և դատական օրգաններին հայտնի էր իբրև «Կուլկասյան սակրավոր գումարտակի զինվորների մեջ պրոպագանդայի մասին» անունով գործ: Երևանի նահանգական ժանդարմական վարչության պետի տեղակալի կազմած հետաքննության հիման վրա, կուլկասյան ռազմական օկրուգի Ալեքսանդրապոլի բաժանմունքը լսելով գործը, նշում էր, որ այդ գումարտակի շարքային զինվորներ Վասիլի Մոխսեևը և Վլադիմիր Շապոշնիկովը «1916 թվականի հոկտեմբերին համոզել են նույն գումարտակի կրտսեր եղբայր Պյոտր Կուլկասյին և շարքային Պյոտր Կոտովին՝ մասնակցելու ընկերությանը, կամ ինչպես նրանք են արտահայտել «կոմպանիային», որն իր գործունեության նպատակն է համարել ստորին աստիճաններին նախապատրաստել պատերազմի շուտափույթ և բռնի ավարտմանը»⁵: Պատերազմի, ցարիզմի նկատմամբ վերաբերմունքի հարցերում հիշյալ կազմակերպությունը ունի արմատական հեղափոխական ուղղություն և այդ հարցերում իր տեսակետներով չի տարբերվում բոլշևիկյան ուղղությունից: Սակայն կազմակերպության գործունեության որոշ փաստեր վկայում են, որ այդ կազմակերպությունը ձախ էսենական, ինտերնացիոնալիստական, դեմոկրատական կազմակերպություն է եղել: Հիշյալ հարցերի հետ մեկտեղ նա պաշտպանում էր «զենքը դեն նետելու» էսենական տեսակետը: Դատարանի որոշման մեջ նշված էր, որ «Մոխսեևը շարքային Կոտովին ցույց է տվել ձեռագիր թռուցիկ, որը սկսվել է «եղբայրներ, դեն նետենք զենքը» բառերով: Կազմակերպության անդամները այն կարծիքին են եղել, որ իրենց նպատակին պետք է հասնեն նախապատրաստելով նախ զինվորներին՝ «թռուցիկների տարածման ճանապարհով» և որոնք «պետք է արտատպել Մոսկվայից ստացված թռուցիկներից, ստորին աստիճաններին բաժանելու համար»⁶:

Նկատի ունենալով այդ գործի «արտակարգ բնույթը» ռազմական դատարանը այն քննել է հերթից դուրս:

Այժմ մի քանի խոսք ինտերնացիոնալիստ սոցիալիստ-հեղափոխականների մասին: Այն հեղափոխական-դեմոկրատական ուղղություն էր, որը կողմնակից էր ցարիզմի տապալմանը և վճռականորեն դատապարտում էր իմպերիալիստական պատերազմը: Վերջին տարիներին Մոսկվայում լույս տեսած

4 Տե՛ս Վրացական ՍՍՀ ԿԳՊԱ, ֆ. 1229, գ. 4193:

5 Նույն տեղում, թ. 1:

6 Նույն տեղում, թ. 21:

ժողովածուներում բերվում են նաև էսեռական այդ ուղղության հեղափոխական գործունեության վերաբերյալ փաստաթղթեր⁷։

Հասկանալի է, որ բոլոր հարցերում չէ, որ բոլշևիկները պաշտպանում էին ինտերնացիոնալիստ սոցիալիստ-հեղափոխականներին։ Արմատական հակասությունները հեղափոխության, նրա շարժիչ ուժերի, տակտիկայի և այլ հարցերի շուրջն էր։ Տվյալ է տալու, սակայն, գլխավորը ցարիզմի տապալումն ու իմպերիալիստական պատերազմին վերջ տալն էր։ Այստեղից էլ բխում էր համագործակցությունը բոլշևիկների և ինտերնացիոնալիստական այլ ուժերի միջև, մի բան, որը բխում էր Կինտալի ու Ցիմերվալդի ոգուց։ Բոլշևիկները մեծում էին նաև «զենքի դեմ նետելու» ձախ էսեռական սկզբունքը։ 1916 թ. Վ. Ի. Լենինը գրում էր. «Հեղափոխական գործողությունների թվում պետք է լինեն ցույցերը և մասսայական գործադուլները, բայց ոչ երբեք զինվորական ծառայությունից հրաժարվելը. ընդհակառակը՝ ոչ թե զենք վերցնելուց հրաժարվելը, այլ միայն զենքը իր բուրժուազիայի դեմ ուղղելը կարող է պատասխանել պրոլետարիատի խնդիրներին ու համապատասխանել ինտերնացիոնալիզմի լավագույն ներկայացուցիչների, օր. Կ. Լիբկնեխտի լոզունգներին»⁸։

Ալեքսանդրապոլում զինվորական մասսաների հեղափոխական պայքարի կազմակերպումը հիմնականում մնում էր բոլշևիկների վրա։ Մինչև փետրվարյան հեղափոխությունը նրանք, թեպետ թվով քիչ ու կազմակերպչորեն էլ թույլ էին, բայց ջանք չէին խնայում բոլշևիզմը մասսաների սեփականությունը դարձնելու համար։ Զինվորական շրջաններում և ընդհանրապես քաղաքի բոլշևիկյան կազմակերպության վերականգնման ու ամրապնդման գործում մեծ է հատկապես Պ. Յա. Արվելաձեի դերը։ 1916 թ. կեսերին նա հարավ-արևմտյան ռազմաճակատից տեղափոխվում է կովկասյան ռազմաճակատի առաջին գիծը, մասնակցում թուրքերի դեմ մղված մարտերին, վերափոխվում և 1916 թ. վերջերին տեղափոխվում Ալեքսանդրապոլ, ուր տեղական բոլշևիկներին՝ Բագրատ Ղաբիբջանյանի, Արտաշես Վարդանյանի և ուրիշների հետ վերականգնում է տեղական կազմակերպությունը, դառնում նրա առավել աչքի ընկնող ղեկավարներից մեկը ու ծավալում հեղափոխական եռանդուն գործունեություն։

Հեղափոխական ագիտացիայի ազդեցությամբ փետրվարի նախօրյակին Ալեքսանդրապոլի շատ զինվորներ նույնպես համակված էին հեղափոխական-զենվորատական տրամադրություններով։

Ցարական դատարանը կովկասյան բանակի առավել վտանգավոր տարրերի թվում հիշատակում է Ալեքսանդրապոլի 223-րդ հետևակային պահեստային գնդի զինվոր Ս. Մ. Գորբուկուն, որը մորը հասցեագրած նամակում այն միտքն է արտահայտել, թե «բոլոր արքայական զահերը լցվել են ավազակների բանդայով, հենց իրեն՝ ատամանի (Նիկոլայ 2-րդի — Հ. Մ.) գլխավորությամբ», և որ «բոլոր միապետները անիծյալ բարբարոսներ և ավազակներ են»⁹։ Այդ գործի առթիվ ուշագրավ է Կովկասյան բանակի շտաբին կից ռազմա-դատական բաժնի վարիչի այն հաստատումը, թե նամակում «տեղավորելով այդպիսի հանդուգն արտահայտություններ բոլոր միապետների հասցեին,

⁷ Տե՛ս «Революционное движение в армии и во флоте в годы первой мировой войны, 1914—февраль 1917», № 36, 100 և այլ փաստաթղթեր։

⁸ Վ. Ի. Լենին, Երկեր, հ. 23, էջ 176։

⁹ Վրացական ՍՍՀ ԿՊՊԱ, ֆ. 1229, ց. 1, գ. 2750, թ. 23։

որոնք ընդհանրապես մասնակցում են ներկա պատերազմին, մեղադրյալը անկասկած նրանց թվում նկատի է առել նաև Ռուսաստանը բարեհաջող կառավարող Միապետին»¹⁰:

Ուշադրության արժանի է այն, որ Գորբուկովին իմպերիալիստական պակասկած նրանց թվում նկատի է առել նաև Ռուսաստանը բարեհաջող կառավարող թյուններին:

Կովկասյան ռազմա-օկրուգային դատարանը Գորբուկովին մեղավոր ճանաչելով «թագավոր կայսրին» հասցրած «հեռակա վիրավորանքի» համար, որով «նպատակ է ունեցել դրդել շահագրգիռ նրա անձը», որոշում է ուղարկել նրան տաժանակիր աշխատանքի՝ վեց տարի ժամկետով¹¹:

Կովկասյան ռազմաճակատում, մասնավորապես Արևմտյան Հայաստանում հեղափոխական շարժումները մեծ մասշտաբներ են ընդունում 1916 թ. գարնան և ամռան ամիսներին: Առանձնապես աչքի էր ընկնում Խնուս-Էրզրում-Սարի-ղամիշ շրջանը: Կազանի օկրուգի ռազմական գրաքննիչների ձեռքն էին ընկել ռազմաճակատի հիշյալ հատվածից հասցեագրված մի քանի նամակներ: 1916 թ. մարտի 25-ին ռազմաճակատից Գավրիլ Ռոմանովի գրած նամակում ասվում էր. «Մեր գործերը նախանձելի չեն ոչ միայն թուրքերի հետ, այլև ընդհանրապես: Բռնություն են սկսվում... մեր ողջ դիվիզիան ապստամբել է: Կուբանյան և Դերբենդի գնդերում սպաներին ծեծել են, իսկ մերում դեռևս այդպես չէ: Բայց գործը հա մոլեգնում է, այնպես, որ դարձյալ գնում է դեպի այն (բունստ — Շ. Մ.)»¹²:

Ռադմական և քաղաքացիական իշխանություններն ամեն կերպ աշխատում էին փակել այն «չարամիտ» լուրերի ճանապարհը, որոնք գալիս էին էրզրումի շրջանից և ընդհանրապես կովկասյան ռազմաճակատից: Ոմն, Կոխ, որը Թիֆլիսի գրագիրների շրջանում տարածել էր, թե էրզրումի կայազորում տեղի են ունեցել մեծ հուզումներ, և որ զինվորները սպանել են բազմաթիվ սպաների, դատական իշխանությունների կողմից 1916 թ. ապրիլի 8-ին խստագույն պատժի է ենթարկվում¹³:

Իշխանությունները, պաշտոնական ու բուրժուական մամուլը ճգնում էին գործն այնպես ներկայացնել, որ կովկասյան ռազմաճակատում ամեն ինչ հանդիսատ է, և որ «հարձակվող հերոսական բանակը» իր «փայլուն» նվաճումներով ինքնին մերժում է «խռովարար» շարժման վերաբերյալ այն խոսակցությունները, որոնք հավար ու մի ճանապարհներով թափանցում էին մերձակատային շրջանները և ողջ երկիրը: Սակայն, հակառակ այդ ամենի, տեղի էին ունենում մասսայական լուրջ հուզումներ, որոնք ծայր աստիճան անհանգստացնում էին իշխանություններին:

Շարժման մեջ էին ներգրավվում նորանոր զորամասեր, որոնք հրաժարվում էին հարձակման գնալ: Իրադարձությունները այստեղ են բերում փոխարքա, կովկասյան բանակի հրամանատար Ն. Ն. Ռոմանովին, շտաբի պետ Յուզենիչին և այլ բարձրաստիճան հրամանատարների: Ապստամբների դեմ են նետվում ռազմաճակատից բերված զորամասեր: Այդ զորամասերը, որոնց

¹⁰ Նույն տեղում, թ. 4:

¹¹ Նույն տեղում:

¹² «Царская армия в период мировой войны и февральской революции», Казань, 1932, стр. 91.

¹³ Վրացական ՍՍՀ Կողմ, ֆ. 1082, ց. 5, գ. 757:

լավ ծանոթ էր սովն ու ռազմաճակատային դաժան կյանքը, հրաժարվում են կրակել իրենց ընկերների վրա: Որպես պատիժ, ապստամբ զորամասերը ուղարկվում են ռազմաճակատի առաջին գիծը: Այստեղ նրանց դեմ են հանվում ոստիկանական զորամասեր՝ «խաչակիրներ»: Տեղի է ունենում ապստամբ և պատժելու օժերի իսկական ճակատամարտ, որի ժամանակ պատժել զորամասը լավ դաս է ստանում: Կազանի օկրուգի Գրյազնուխա գյուղ հասցեագրված, այդ իրադարձություններին մասնակից, ղինվորներից մեկի նամակում գրված է. «Մենք առաջին գծում էինք, պահանջեցին, որ մենք գնանք Սարիզամիշ ճնշելու (ապստամբ զորամասերին). երբ մենք գնում էինք, կարծում էինք, թե գնում ենք հանգստի: Մարտի 16-ին մեզ քշեցին քաղաք՝ ճնշելու Ձ գնդերի՝ կուբանյան և վրացական: Մեզ շարք կանգնեցրին և հրամայեցին կրակել... Երբ մենք իմացանք, թե ինչու են նրանք գործադուլ արել, ոչ ոք ոչ մի փամփուշտ չկրակեց:

Այդ ժամանակ մեզ թողեցին, քշեցին կազակներին. կազակները նույնպես հրաժարվեցին և այդ ժամանակ երկու գնդերն էլ առաջին գիծ ուղարկեցին...

Երբ Նիկոլայ Նիկոլաևիչը լսեց, մարտի 23-ին գնաց հաշվեհարդար տեսնելու»¹⁴:

Խնուս-Էրզրում-Սարիզամիշ շրջանում բազմահազար ղինվորների այդ հուզումների մեջ աչքի էին ընկնում բանակի հեղափոխականացման բուռն պրոցեսի մի շարք բնորոշ երևույթներ: Դրանցից մեկն այն էր, որ ոչ թե առանձին ղինվորներ, այլ ամբողջ զորամասեր հրաժարվում էին կատարել հրամանը, մերժում էին ռազմականատի առաջին գիծը մեկնելու պահանջը: Զինվորների համբերության բաժակը լցվել էր: Նրանք դրուժյունից դուրս գալու այլ ելք չէին տեսնում: Այդպիսի մասսայական հեղափոխական տրամադրությունների և ղինվորական իշխանությունների դեմ վճռական գործողությունների հաջորդ քայլը, նրանց տրամաբանական զարգացումը հանգեցնում էր նրան, որ ղինվորները իրենց զենքը պետք է դարձնեին հրամանատարության դեմ: Բոլշևիկների, հեղափոխական-դեմոկրատական ուժերի ագիտացիայի ազդեցությամբ և կյանքի ուղղակի թելադրանքով ղինվորները պատրաստ էին գնալու և գնում էին դեպի արմատական հեղափոխական միջոցառումների իրագործումը:

Պակաս կարևոր չէր նաև երկրորդ երևույթը, որը բխում էր առաջինից և լրացնում նրան: Այդ այն էր, որ ոստիկանական նկատառումներով ընտրված «վստահելի» զորամասերը, անգամ կազակային զորամասերը, բացահայտորեն հրաժարվում էին կատարել բարձր հրամանատարության հրամանը և «ոչ մի փամփուշտ չէին արձակում» նույն դրուժյան մեջ գտնվող, նույն խոհերով ապրող, ավելի համարձակ ու ավելի նախաձեռնող իրենց ապստամբ ընկերների վրա:

Տեղի էր ունենում հեղափոխական գնդերի ձևավորում. կոփվում էր հեղափոխության քաղաքական բանակը:

Էրզրումի շրջանի իրադարձությունների համար վերին աստիճանի ուղադրավ երևույթ էր նաև այն, որ գիտակից ղինվորները արտահայտելով ղինվորական մասսաների խոհերն ու մտորումներն իմպերիալիստական պատերազմի և նրանով շահագրգռված ուժերի նկատմամբ, 1916 թ. կեսերին բազմաթիվ անստորագիր նամակներ էին ուղարկում արդյունաբերական կենտրոն-

¹⁴ «Царская армия...», стр. 91.

ների բանվորներին, կոշ անելով նրանց՝ բարձրացնելու պրոլետարական բողոքի ձայնը ընդդեմ պատերազմի, ցարիզմի ու բուրժուազիայի: 1916 թ. մայիսի 5-ին ալդսիսի մի նամակ ստացվեց Դոնբասի Դոլժանսկի ածխահանքի գրասենյակում: Նամակում հայտնվում էր, որ սույն ու մահացությունները ճակատային կյանքի տիրապետող երևույթներն են դարձել, որ տեղի են ունեցել բազմաթիվ զորամասերի ապստամբություններ: Նամակի հեղինակները խընդրում էին այն կարգալ բանվորներին, որպեսզի նրանք այդ ամենը իմանան: Միևնույն ժամանակ նշվում էր, որ էրզրումում գրվել և տարբեր վայրեր են ուղարկվել հարյուրից ավելի ալդսիսի նամակներ: Պարզ է, որ այդ նամակների հեղինակները Ռուսաստանի տարբեր արդյունաբերական կենտրոններից զորակոչված և կովկասյան ռազմաճակատ բերված բանվորներ էին, որոնց ծանոթ էր բոլշևիզմը, նրա նպատակներն ու պայքարի մեթոդները:

1915—1916 թթ. ռազմաճակատի Տրապիզոն-էրզրում-Սարիղամիշ-Կարս շրջանում ակտիվորեն գործում էին բոլշևիկները: Կովկասյան ռազմաճակատի Տրապիզոնի շրջանում 1916 թ. հեղափոխական աշխատանք էր տանում բոլշևիկյան կուսակցության ականավոր գործիչ Պ. Ա. Զափարիձեն: 1914 թ. վերադառնալով Վոլոգդայի աքսորից, Զափարիձեն կանգնում է Թիֆլիսի բոլշևիկյան կազմակերպության գլուխ, վերականգնում և ամրապնդում է այն: 1915 թ. մայիսին նա նորից ձերբակալվում և քսորվում է Ենիսեյի նահանգի Կամենկա գյուղը, որտեղից շուտով փախչում է և վերադառնալով Թիֆլիս, կուսակցության հանձնարարությամբ, Բարաթով ազգանվամբ ընդհատակյա աշխատանքի է անցնում Տրապիզոնի Կարմիր խաչի կազմակերպությունում:

Փետրվարյան հեղափոխությունից առաջ Տրապիզոնի շրջանում էին գործում նաև Հ. Հովսեփյանը, Ե. էշբայը, Վ. Կվիրկելիան, Ա. Վարդապետյանը և ուրիշներ: Ե. էշբայը հիշում է, որ ինքը Հ. Հովսեփյանի, Բաբաշիմսկու և այլոց հետ աշխատանք էր տանում Տրապիզոնի շրջանի ղինվորների մեջ¹⁵:

Թուրքական ռազմաճակատում, մինչև փետրվարյան հեղափոխությունը, պրոպագանդիստական-կազմակերպչական մեծ աշխատանք էր տանում Գ. Ն. Կուրգալևովը՝ կովկասյան բանակում բոլշևիկյան աշխատանքի կազմակերպման նշանավոր դեմքերից մեկը:

1914—1917 թթ. կովկասյան ռազմաճակատում էր նաև հետադայում Բաբվի 26 կոմիսարներից մեկը՝ Ս. Գ. Հովսեփյանը: Պատերազմի առաջին օրը նա զորակոչվում է, նախ ուղարկվում Իրան, ծառայում ռուսական էքսպեդիցիոն կորպուսում, իսկ հետո՝ 1915 թ. տեղափոխվում թուրքական ռազմաճակատ՝ էրզրումի շրջանը, ուր ստեղծում է բոլշևիկյան կազմակերպություն: Կիրթ, կենսուրախ, ջերմ սպան ղինվորների սիրելին էր: Նրա համոզիչ բոլշևիկյան ագիտացիան բախտորոշ նշանակություն ունեցավ շատ ղինվորների կյանքում:

Սարիղամիշ-էրզրում շրջանում եռանդուն աշխատանք էր տանում Ս. Կ. Ալավերդյանը: Ավարտելով Մոսկվայի առևտրական ինստիտուտը, Ալավերդյանը 1915 թ. վերջերին շտապում է Անդրկովկաս և ողջ էությունով մտնում հեղափոխական պայքարի հորձանուտը: ՌՍԴԲԿ (բ) կովկասյան բյուրոյի հանձնարարականով նա աշխատանքի է անցնում Սարիղամիշում, կանգնում հեղափոխական շարժման գլուխ և մինչև 1918 թ. սկիզբը գլխավորում բոլշևիկ-

¹⁵ Տե՛ս Ս. Ս. Ն ա լ բ ա ն դ յ ա ն, Հերոսական ուղիով, Երևան, 1966, էջ 90—91:

ների ու հեղափոխական մասսաների պայքարը: Սարիղամիշ-Կարս-Էրզրում շրջանում ակտիվ բուլշևիկյան աշխատանք էին տանում նաև աշխի ընկ-նող բուլշևիկներ Ի. Կիասովը (Կիասաշվիլի), Ֆ. Սոլնցևը, Լ. Քարթվելիշ-վիլին (Լավրենտև), Տ. Մուսիևը, Հ. Սարուխանյանը, Ս. Գ. Թավդիշվիլին, Ն. Լեժավան, Գ. Հայկունին և ուրիշներ: Գ. Հայկունին դրում է. «Թիֆլիսում ես ընդունվեցի քաղաքների միություն և նշանակում ստացա՝ աշխատելու Սարի-ղամիշ-Էրզրում շրջանի գլխավոր գրասենյակում: Ամբողջ 1916 թվականը և 1917 թ. առաջին եռամսյակը բնակվեցի և աշխատեցի Սարիղամիշում: Այստեղ ևս ես չկտրվեցի կուսակցական աշխատանքից: Ստյոպա Ալավերդյանի հետ ես ապրում էի միևնույն սենյակում»¹⁶:

Թուրքեստանյան Ջ-րդ կորպուսում, Էրզրում-Բայբուրթ-Մամախաթում շրջանում էր գործում ականավոր բուլշևիկ Հովսեփ Պողոսյանը, որի հեղափո-խական գործունեությունը սկսվել էր դեռ ռուսական առաջին հեղափոխությու-նից էլ առաջ: Պատերազմի սկզբում զորակոչվելով բանակ, նա ծառայում է Ելիզավետպոլում, որտեղ, ինչպես ինքն է վկայում, 18-րդ վաշտում ստեղծում է 6 հոգուց բաղկացած բուլշևիկյան բջիջ: Ինքնակենսագրության մեջ, մինչև փետրվարյան հեղափոխությունը ռադմաճակատում ծավալած իր գործունեու-թյան մասին նա դրում է. «1916 թ. ես արդեն թուրքական ռադմաճակատում էի, Կալկիտ քաղաքում»¹⁷, որտեղ ինձ նշանակեցին Ջ-րդ թուրքեստանյան կոր-պուսի կորպուսային ինտենդանտությունում, որպես կորպուսի մատակարար-ման բաժնի աշխատող: Այդտեղ ես արագ գործի անցա և մի ամիս հետո կազ-մակերպվեց փոքրիկ բջիջ ինտենդանտության ղինվորներից ու գրագիրներից, որոնց հետ ես տանում էի ընդհատակյա աշխատանք»¹⁸:

Ամենուրեք բուլշևիկները բացահայտում էին սլատերազմի իմպերիալիս-տական բնույթը, ղինվորական մասսաներին զաղափարապես ու կազմակերպ-չորեն նախապատրաստում տապալելու ցարիզմը:

Փետրվարյան հեղափոխությանը նախորդող ժամանակաշրջանում, երկ-րում աճող քաղաքական ճգնաժամի պայմաններում, տեղի էր ունենում ցա-րական հին բանակի անցումը հեղափոխության կողմը: Այդ հատկապես իր վառ դրսևորումն էր գտնում մեծագույն նշանակություն ունեցող այն փաստի մեջ, որ ռուսականական ծառայությունների համար մոբիլիզացված զորամա-սերը հրաժարվում էին «խաղաղացնել», ճնշել պատերազմից ու ծանր կյանքից դառնացած ապստամբ ժողովրդին: Նրանք ներքին համակրանքով էին վերա-բերվում ժողովրդական հուզումներին, հաճախ հենց իրենք էին միանում դրանց:

Կովկասյան բանակի ազգային զորամասերում հեղափոխական շարժումը համեմատաբար լայն մասշտաբներ է ընդունում 1917 թ. երկրորդ կեսին: Ցա-րական բանակում տիրապետող դժգոհության՝ անբավականության մթնոլոր-տը «վարակում է» անգամ կամավորներին, որոնց նպատակն էր Արևմտյան Հայաստանը ազատագրել թուրքական լծից: Շուտով հայ զինվորներից շատե-րին պարզ դարձավ, որ ցարիզմը հայ ժողովրդի նվիրական իղձերը շարաշա-հում է սոսկ իր իմպերիալիստական նպատակներին հասնելու համար, ձգտում է Հայաստանը «մաքրել» հայերից, այն դարձնել կայսրության սուլորական

16 Տե՛ս Գ. Հայկունու անձնական գործը ՄԼԻ-ի հայկական ֆիլիալում:

17 Բայբուրթից արևմուտք:

18 Տե՛ս Ա. Հ. Պողոսյանի անձնական գործը ՄԼԻ-ի հայկական ֆիլիալում:

մարզերից մեկը: Այս և ազգային բնույթի այլ հակասությունները չէին կարող հլու հնազանդ պահել հայ զինվորներին: Այդ բոլորի վրա բարդվում էին նաև սոցիալ-քաղաքական բնույթի մեծ հակասությունները, որոնք կային մի կողմից ցարիզմի, շահագործող դասակարգերի և մյուս կողմից աշխատանքի մարդկանց միջև:

Եվ ահա, 1916 թ. մայիսի 26-ին կովկասյան առաջին բանակային կորուսուի ռազմական դատարանը հայկական 6-րդ վաշտի մի զորաջոկատի հրամանատար Հ. Տեր-Գրիգորյանցին և նրա զրուժինայի 25 զինվորի (ԱՄՆ-ից իկաժ կամավորներ) ներկայացնում է «ապստամբությանը բացահայտորեն մասնակցելու» մեղադրանք և մահապատժի դատապարտում հրամանատարին, իսկ զինվորներին պատժում 6—2 տարվա ազատազրկման¹⁹:

Հայկական «Տարոնի ջոկատի» հրամանատար Իշխանի 1915 թ. կեսերի մի շարք հրամաններից բացահայտվում են ջոկատում տիրող հեղափոխական-դեմոկրատական տրամադրությունները: Նա դիմում էր զինվորներին, ասելով. «Սի խառնվեք փողոցային հավաքներին», «հիշեցեք, որ ռուսական բանակի յուրաքանչյուր սպա հանդիսանում է պետ և դուք պարտավոր եք կատարելու նրա հրամանը»²⁰: Նա խորհուրդ էր տալիս, որ հարազատներին հղած նամակներում պետք չէ գրել «զրուժինաների զրուժյան մասին»:

Հեղափոխական ագիտացիայի առաջն առնելու նպատակով, նա հրամայում է. «Հետևել, որպեսզի կողմնակի անձինք չնալ մուտք շունենան բանակ»²¹, որ «սուր հանել միայն թշնամու դեմ կովելիս», որ «պետք է դիսցիպլինա ունենալ, ահա մեր հավատո հանգանակը»²²:

Կամավոր զինվորների հոգում հասունացող երկվությունը ակնհայտ է: Ցարիզմի հետ ընդդեմ դառավոր թշնամու՝ թուրքերի: Ցարիզմի, շահագործող դասակարգերի դեմ՝ հանուն ժողովրդի նկատմամբ նրա կիրառած սոցիալական ու ազգային բռնությունների լիկվիդացման: Խորացող հակասությունների, հասունացող պայքարի բովում առնականանում էր նաև հայ զինվորների հակացարական, ազատագրական ոգին: Այդ պայքարից ծնվեցին, պրոլետարիատի բարձրացող շարժմանը որդեգրվեցին շատ հայ զինվորներ:

Բանակի արագ հեղափոխականացման պրոցեսը տեսնում էին նաև ծայրահեղ աջ ուժերը: 1915 թ. օգոստոսին Ռուսաստանի մինիստրների խորհրդում ունեցած իր ելույթում կոմս Իգնատևը շատ դիպուկ նկատում էր, որ «բանակը դադարել է բանակ լինելուց և վեր է ածվել զինված ժողովրդի»²³:

Ամենուրեք զգացվում էր մոտավորապես ահեղ փոթորիկը: Ինչպես նշված է ռազմական դատարանի № 1 որոշման մեջ, 1917 թ. փետրվարի 22-ին, Սարի-ղամիշից հարավ գտնվող Կարակուրտ բնակավայրում, 7-րդ դիվիզիայի 27-րդ հրաձգային գնդում, զինվորները բաժանեցին հրացաններն ու պատրոնները, հեռացրին սպաներին և բացելով անկանոն կրակ, նախապատրաստվեցին Կարակուրտից զնալ և միանալ Սարիղամիշի շրջանում գտնվող 28-րդ գնդին²⁴: Այդ նույն շրջանում 28-րդ գնդը նույնպես ապրում էր հեղափոխական բուռն

¹⁹ Վրացական ՍՍՀ ԿՊՊԱ, ֆ. 1082, ց. 5, դ. 762:

²⁰ Հայկական ՍՍՀ ԿՊՊԱ, ֆ. 120, դ. 11, թ. 1:

²¹ Նույն տեղում:

²² Նույն տեղում, դ. 14, թ. 1:

²³ Վրացական ՍՍՀ ԿՊՊԱ, ֆ. 1229, դ. 4384:

²⁴ Տե՛ս նույն տեղում, ֆ. 1682, ց. 5, դ. 1064, թ. 11:

պրոցես, պատրաստվում ակտիվ պաշտպանության, հաստատելով հեղափոխական կարգականոն: Ականատեսներից մեկը այսպես է նկարագրում իրադարձությունների զարգացումը ղնդում. «Նրբ կապիտաններից մեկը առանց մտածելու ապստամբներին սպառնաց կազակներով ու այլ զորամասերի զինդացիներով, այդ ժամանակ ղնդի զինվորները պատրաստվեցին ակտիվ պաշտպանության: Ձերբակալեցին սպաներին, պահեստից վերցրին և յուրաֆանշուրին բաժանեցին 240 փամփուշտ, զինեցին բոլոր անզեններին, լեռներում հրանոթներ դրեցին և գրավեցին պաշտպանության համար հարմար դիրքեր. պահպանվում էր խստագույն կարգ»²⁵:

Փետրվարի 23-ին 28-րդ ղնդի զինվորները «աղաղակներով ու անկանոն կրակոցներով»²⁶ ղնդի բնակատեղին հանդիսացող Պրոմեթեոսոշնայա կայաբանում կանգնեցրին այն ավտոմեքենան, որով ուղևորվում էին զիվիզիայի հրամանատար ղեներալ-մայոր Ամասիյսկին և մի խումբ սպաներ: Ձինվորներից մեկը ղիմելով ղեներալին, ասում է. «Գնդում սնունդը վատ է, շիլան ուտել հնարավոր չէ, հացը տալիս են խմոր վիճակում, սպիտակեղենը չի բավականացնում, կոշիկ չկա, բուժկայանում հիվանդներին օգնություն ցույց չեն տալիս, սպաները շատ վատ են վարվում ստորին աստիճանների հետ»²⁷: Նույն այդ ժամանակ, երբ ղինվորների ներկայացուցիչը բացատրում էր ապստամբության շարժառիթները, նրա թիկունքում գտնվող ղինվորական հսկայական բազմության միջից լսվում են «կորչի պատերազմը», «Ռուսաստանը ծախել են», «բոլոր դրանք Սուխոմլինովից լավը չեն» և այլ բացականչություններ:

Գնալով ղեպերը ավելի բուռն բնույթ են ստանում: Երբ մի քանի սպաներ, տեսնելով ղեներալի ծանր վիճակը, փորձում են ճեղքել ղինվորների շրջափակումը և նրան օգնության հասնել, ղինվորները փակում են նրանց ճանապարհը, սպառնում են սպաներին, ծեծում ոմանց և դրանից հետո ղեներալին և ավտոմեքենայում գտնված սպաներին «ստիպում են... ոտով գնալ գետնափոր տնակը՝ ղնդի տնօրինության տակ»²⁸. այլ կերպ ասած ղինվորները ձերբակալում են ղիվիզիայի հրամանատարին և սպաներին: Այդ ավելի որոշակի է երևում դատարանի որոշման այն մասից, ուր ասված է, որ «երբ բոլոր մտան ղետնափոր տնակը, վերջինս շրջապատվեց պահակներով»²⁹:

Ձերբակալելով ղիվիզիայի հրամանատարին, ղինվորները ստեղծում են հեղափոխական ղինվորական կոմիտե, որին և հանձնարարվում է հազարավոր ղինվորների անունից բանակցել ղեներալի հետ:

«Հուլիսի շտապ» գաղտնի հեռագրերը անմիջապես տեղեկացրին կովկասյան ռազմաճակատի կարևորագույն հանգույցում տիրող այդ ապստամբական դրության մասին: Ամսի 25-ին իրադարձությունների ընթացքի մասին Յուդենիչին ղեկուցեց Ամասիյսկին, որին ղինվորները ազատ էին արձակել ստանալով նրանից որոշ սլահանջների բավարարման խոստում:

Հեռագիր ղեկուցագրում ասվում էր. «Ձեկուցում եմ. փետրվարի 22-ին, 27-րդ հրաձգային ղնդում, ժամը մոտավորապես երեկոյան 5-ին, սկսվեցին

²⁵ «Известия Советов рабочих и военных депутатов Бакинского района», № 35, от 16 мая 1917 г. (ընդգծումն իմն է—Ն. Մ.):

²⁶ Վրացական ՍՍՀ Կոմիտե, № 1082, ց. 5, գ. 1064, թ. 11:

²⁷ Նույն տեղում:

²⁸ Նույն տեղում: Ընդգծումն իմն է — Ն. Մ.:

²⁹ Նույն տեղում: Ընդգծումն իմն է — Ն. Մ.:

հուղումներ. ամբողջ գունդը ազդանշանով շարժվեցին, իրեն շրջապատեց պահակակետերով, շքույլատրելով սպաներին, ջարդեց փամփուշտների արկերով, բաժանեց դրանք և նախապատրաստվեց ելույթի Կարակուրտ-Սարիղսի միջ ուղղությամբ...

Փետրվարի 23-ին ես դուրս եկա (Սարիղամիշից — Հ. Մ.), որպեսզի համահարզի հետ միասին ուղևորվեմ 27-րդ գունդ. 27-րդ գնդում հանգիստ էր. ետ վերադարձա ժամը 18-ին. անցնելով Պրոմեթեոսոշնայայի մոտից, որտեղ կանգնած էր 28-րդ գունդը, ես լսեցի մասնակի կրակոցներ և բռնվոցներ: Կրակում էին օդի մեջ. կանգնեցի... շրջապատվեցի ստորին աստիճաններով... Անբավականություն էին արտահայտում վատ անդից, այն բանից, որ քիչ շաքար են ստանում, որ նամակները ստուգվում են վաշտի հրամանատարների կողմից. դժգոհում էին սպաներից. լսվում էին բղավոցներ. «կորչի պատերազմը» 28-րդ գնդում ավերվել է ցեխաուզը (զինապահեստը — Հ. Մ.), բաժանվել են փամփուշտները, ջարդվել է դրամարկը և տարվել մոտ 240.000 ռուբլի. գնդացիներ: Ապստամբների կողմից գնդի բնակության շրջանի բոլոր կողմերում ժամապահներ են կանգնեցվել: ...Կապիտան Լուկաշևսկու վրա կրակել են: Ներկայումս 26-րդ գունդը հանգիստ է, 27-ը լիովին հանգիստ է, 28-րդ գնդում հնարավոր են հուղումներ: Մարդիկ հրաժարվել են հանձնել փամփուշտները. բացառությամբ մի քանի դասակների»³⁰:

Իրադարձությունների մասին ամսի 26-ին փոխարքային է ղեկուցում Յուդենիչը³¹: Մյուս ղեկուցագրերից ուշագրավ է 27-րդ գնդի շտաբի պետ Կարաուլովի ղեկուցման այն մասը, ուր նշվում էր, որ «Սարիղամիշում գտնվում է կազակների բրիգադը, հրետանին, 26-րդ գնդի գնդացրային և ուսումնական զորաջոկատները»³², որոնք հրամանատարության կողմից ընտրվել էին ապստամբների սպասվող նոր հուղումները ճնշելու համար:

Նժե հանրագումարի բերենք հրաձգային 7-րդ դիվիզիայի ապստամբության պատճառների, արդյունքների ու ավարտի հանգամանքների փաստերը, առաջ կարելի է հանգել ներքոհիշյալ հետևություններին.

1. Ցարական բանակի մասը կազմող 7-րդ հրաձգային դիվիզիան իր դրությամբ ու պահանջներով արտացոլում էր այդ բանակի ընդհանուր պատկերը: Նրանում, ինչպես ողջ բանակում և երկրում հասունացել էր այն գիտակցությունը, որ իմպերիալիստական պատերազմից կարելի էր դուրս դալ միայն այդ պատերազմը սանձազերծած ուժերի և ամենից առաջ ցարիզմի տապալմամբ:

2. Կովկասյան բանակի զինվորները հեղափոխական ուժերի ուղղակի ներգործությամբ, և կյանքից ստացած սեփական դասերով, 1917 թ. փետրվարին արդեն համոզվել էին, որ անհատական, մասնակի ելույթները չեն լուծի իրենց հետաքրքրող արմատական հարցերը, որ դրա համար անհրաժեշտ է զինվորների և տարբեր զորամասերի միավորում:

3. Շարժման բնույթից և ընթացքից երևում էր, որ ապստամբությունը ուներ հեղափոխական դեմոկրատիային ներկայացնող միասնական ղեկավարություն:

³⁰ Վրացական ՍՍՀ ԿՊՊԱ, ֆ. 1082, ց. 5, դ. 1064, թ. 3—5: Ընդգծումներն իմն են — Հ. Մ.:

³¹ Նույն տեղում, թ. 6:

³² Նույն տեղում, թ. 7:

4. Ապստամբների վճռականությունը շարժման սկզբում հանգեցրեց արմատական լուրջ միջոցառումների կիրառման. գրանք էին՝

ա) 27-րդ և 28-րդ գնդում հաստատվեց հեղափոխական դիսցիպլինա:

բ) Գրավվեցին ղենքի պահեստները և անհրաժեշտ զինամթերքով ապահովվեցին ղինվորները:

գ) Հեղափոխական հսկողություն սահմանվեց զորամասերի բնակատեղի նկատմամբ:

դ) Հակահեղափոխության հնարավոր հարձակման դեմ ձեռնարկվեց ակտիվ պաշտպանական միջոցառումներ. տեղադրվեցին թնդանոթները, գնդացիները, դասավորվեցին զորամասերը:

ե) Աղատ արձակվեցին մինչև ապստամբությունը քաղաքական գործերով ձերբակալված ղինվորները:

5. Առավել վճռականորեն հանդես եկավ 28-րդ գունդը, որտեղ վերոհիշյալ միջոցառումներից բացի ղինվորները ձերբակալեցին դիվիզիայի և գնդի բարձրաստիճան հրամանատարներին, հեղափոխական օրգանների հսկողության տակ առնվեց գնդի դրամական միջոցները՝ մոտ 240.000 ռուբլի գումարով, ինչպես նաև սպայական ժողովի ունեցվածքը: Գունդը միահամուռ պատրաստակամություն դրսևորեց միավորվելու 27-րդ գնդի հետ, որն իրագործելու նպատակով էլ ուղարկվեց պատվիրակություն:

6. Շարժումը ուներ մինչևիստրվարյան հեղափոխական պայքարի բոլոր հիմնական թերությունները, որոնք բխում էին մասսաների դեռևս ոչ բավարար քաղաքական, դասակարգային հասունությունից: Ապստամբության ժամանակ դիվիզիայի տարբեր գնդերի միավորումը փաստորեն չիրագործվեց և զորամասերը հանդես եկան իրարից անջատ-անջատ: Կարճ ժամանակով ձերբակալելով դիվիզիայի բարձր հրամանատարներին և սպաների ղգալի մասին, ղինվորները անփորձության, պակաս վճռականության պատճառով շատ շուտով արձակեցին նրանց: Ապստամբության շրջանում ստեղծվեց ղեկավար օրգան՝ հեղափոխական կոմիտե, որը, սակայն, ընդունակ չգտնվեց հետևողականորեն շարունակելու և զարգացնելու սկսված ապստամբությունը: Նրանք ևս համաձայնակվեցին «ակտիվ պաշտպանության»:

7. Շարժման ուժի վկայությունն էր այն, որ կովկասյան բանակի հրամանատարությունը չհամարձակվեց ռազմական ուժ գործադրել ապստամբների նկատմամբ: Հասունացող հեղափոխական սիտուացիայի պայմաններում, երբ ընդամենը մի քանի օր հետո կործանվելու էր ցարիզմը, հրամանատարությունը չէր վստահում ողջ բանակին: Նա «չարացած լուծյամբ» անցավ ապստամբության կողքից:

Սխալ է որոշ ուսումնասիրողների այն կարծիքը, թե դիվիզիայում հուզումները դադարեցին միայն այն ժամանակ, երբ ստացվեցին ցարիզմի տապալման վերաբերյալ լուրերը³³:

Հեղափոխական շարժման վերելքի պայմաններում կովկասյան բանակի մյուս զորամասերում ևս հասունանում ու խորանում էր պայքարը:

³³ Տե՛ս «Труды Тбилисского гос. пед. института им. Пушкина», т. 8, 1950, стр. 261.

СОЛДАТСКИЕ РЕВОЛЮЦИОННО-ДЕМОКРАТИЧЕСКИЕ
ДВИЖЕНИЯ В АРМЕНИИ

(1916—март 1917 г.)

Г. С. МЕЛИКЯН

Резюме

В статье исследуется революционное движение солдат Кавказской армии в годы первой мировой войны.

Рассматриваемый вопрос до последнего времени частично затрагивался в работах некоторых закавказских историков, в частности, в трудах А. П. Стеклова, М. В. Арзуманяна, М. В. Церцвадзе и других.

Ссылаясь на исторические факты, автор пытается с новых позиций рассмотреть революционно-демократическое движение солдатских масс на территории Армении. В работе показана деятельность большевистских организаций края в армии, а также видных большевиков: Г. Н. Корганова, П. А. Джапаридзе, С. К. Алавердяна, П. Я. Арвеладзе, С. Г. Осепяна, О. А. Погосяна, Ф. Ф. Солнцева, Г. А. Овсепяна, И. Кисова и многих других.

Имея в виду то, что солдатские революционные движения происходили в эпоху буржуазно-демократической революции, в работе уделено должное внимание деятельности других интернационалистических демократических организаций. Совместные действия всех демократических сил против царизма полностью совпали с линией Циммервальдской конференции, с ленинской установкой движущих сил революции.